

vnnalatllich tho betalen/ vnd dartho by
verliesung aller vnd iglicher frigheit /vnd
recht so erer ein jder van vns vnd dem hil-
gen Rike hefft / dat sie selcken freden mit
ernst/ vnd trwem flith holden / vnd wo
vorgeschreuen steit/ handhauen/ Ock eren
houetluden / Amptluden/ befelch hebbe-
ren/ vnd vnderdanen tho don/vp eren eid
befhelen/vn̄ diesser voreinigung/vnd ver-
pflichtung/ solkes Landfredens/ als bauen
steit stracks ane inrede/ nachamen / als lef-
ehn / vnd eren jederen sy / vnse / vnd des
Rikes schwere vngenad/ ock die vorgemel-
ten peen tho vormiden.

Die peen der fredebreker.

DAd isst jemmandes hoges edder nes-
driges weltlikes standes/ wer der/
edder die weren / wedder der eins
edder mehr so vorgemeldet ifs/ handelen/
edder tho handelē vnderstan wurden/ die
schollen mit der dat van rechte tho sampt
anderen penen in vnser vnd des hillikenn
Rikes acht gefallen syn / Ock allermennig-
lich / vnd einem jderen jegen densulvigenn
B iij dedde